

Evening Dogri News Bulletin, 18 August. 2025

इवनिंग डोगरी न्यूज़ बुलेटिन

समे .18:15 Hrs

Headlines

- उपराज्यपाल मनोज सिन्हा होरें चशौती च बद्दल फट्टने मगरा जारी राहत ते बचाव अभियानें दी निगरानी लेई 4 वरिष्ठ आई.ए.एस ते 4 जे.पी.एस अधिकारियें गी तैनात कीता ऐ।
- भारी बरखें दे बावजूद चशौती च बद्दल फट्टने मगरा मलबे हेठ दबोए दे लोकें गी कडुने दा कम्म 5में रोज बी जारी।
- लोकसभा दी कार्यवाही विपक्ष आसेआ बक्ख-बक्ख मुद्दें पर हंगामें दे चलदे दिन भरै लेई स्थगित करी दिक्ती गेई।
- जल शक्ति मंत्री जावेद अहमद राणा होर पुंछ दे मेंढर च राहत ते बचाव कम्में दी समीक्षा कीते।
- मौसम दे खराब सूरतेहाल दे मद्देनजर जम्मू खित्ते च सब्भनं स्कूलें गी कल दुए रोज बी बंद रक्खने दा ऐलान कीता गेआ ऐ। बरखें, चानचक्क हाड़ आने ते गरज-चमक कन्नै बरखा बरने दे असार ना।

<><><><><><>

LG-Deputation Order

उपराज्यपाल मनोज सिन्हा होरें किशतवाड़ जिले दे चशौती ग्रां च बद्दल फट्टने मगरा जारी राहत ते बचाव अभियानें दी निगरानी करने लेई 4 वरिष्ठ आई.ए.एस अफसर ते 4 आई.पी.एस अफसरें गी तैनात कीता ऐ। सरकारी हुक्मै मताबक एहू अधिकारी कल्लै थमां लेइयै 26 अगस्त तोड़ी तय कार्यक्रम साब्वै कम्में दी निगरानी करंगन। 19 ते 20 अगस्त गी गृह विभाग दे प्रधान सचिव चंद्रशेखर भारती हुंदे कन्नै सेवाएं ते कारवाइयें सरबंधी पुलस महानिरीक्षक उत्तम चंद होर ड्यूटी पर होंगन। 21 ते 22 अगस्त गी लोक निर्माण मैहकमे दे प्रधान सचिव अनिल कुमार सिंह ते आईजीपी सिक्योरिटी सुजीत कुमार होर ड्यूटी पर रौहंगन। एहदे मगरा 23 ते 24 अगस्त गी जल शक्ति मैहकमें दे वित्त आयुक्त ते अतिरिक्त मुख् सचिव शालीन काबरा हुंदे कन्नै आईजीपी ट्रैफिक एम. सुलेमान चौधरी होर होंगन ते अखीरै च 25 ते 26 अगस्त गी विज्ञान ते टेकनालजी मैहकमे दे सचिव शाहिद

इकबाल चौधरी हुंदे कन्नै आईजीपी इकबाल चौधरी हुंदे कन्नै आईजीपी रेलवे विवेक गुप्ता होर राहत ते बचाव कम्मं दी निगरानी करंगन।

<><><><><><>

Rescue Op Chashoti

भारी बरखा ते मुश्कल इलाके दे बावजूद किश्तवाड़ दे चशोती ग्रांड च बद्दल फट्टने मगरा मलबे हेठ दबोए दे लोकें गी कट्टने दा कम्म जारी ऐ। बचाऽ टीमां कई सारी थाहरें पर खास करी लंगर दे कोलकाल आहली थाहरें पर मती तवज्जो देआ'रदियां ना। इस तपाशी अभियान च मशीनें दे अलावा खोजी कुत्ते दी बी मदद लैती जा'रदी ऐ। 14 अगस्त गी मचेल माता मंदर कश बद्दल फट्टने दी घटना पेश आई ही जेदे च 61 लोक मारे गे जेदे च C.I.S.F दे 3 कर्मी ते इक S.P.O बी शामिल ऐ। इस घटना च 100 थमां बद्द लोक घायल होए हे। इस बारै होर मती जानकारी देआ'रदे न सहाड़े जिला संवाददाता कैलाश नाथ।

<><><><><><>

LS-Adjourned

लोकसभा दी कार्यवाही अज्ज बक्ख-बक्ख मुद्दें गी लेइयै बरोधी धड़ें दी डंड-रौली दे चलदे दिन भरै लेई स्थगित करी दिती गेई ऐ। लोकसभा दी कार्यवाही पैहले 2 बारी स्थगित होने दे बाद जिसलै 2 बजे परतिए शुरू होई तां स्पीकर ओम बिरला होरें पूरे सदन दी तरफा अंतरराष्ट्री अंतरिक्ष केंद्र थमां होइयै परतोए दे भारती ब्हाई फौज दे ग्रुप कैप्टन शुभांशु शुक्ला होरें गी ममारकबाद दिती। तोआई, बरोधी धड़ें दे रौले रप्पे दरान गै विज्ञान ते टेकनालजी मंत्री डॉ. जितेंद्र सिंह होरें चर्चा शुरू कराई। ओल्लै सदन दी अध्यक्षता करा'रदे दिलीप सैयकिया होरें बरोध प्रदर्शन करा'रदे सदस्यें गी बार-बार अपील कीती जे रौला नेई पान ते सदन दी कार्यवाही चलन देन, पर उन्दे बार-बार ठाकने दे बाद बी जिसलै ओहू आकखे नेही लग्गे तां सदन दी कार्यवाही दिन भर लेई स्थगित करनी पेई। इससै चाल्ली दा नजारा राज्यसभा च बी दिक्खने बी लब्बा ते उप्परले सदन दी कार्यवाही च बार-बार विघ्न पोने पर दपैहरी मगरा एहदी कार्यवाही बीकल्लै तगर अगड़ी पाई दिती गेई।

<><><><><><>

Comm State Taxes

प्रदेश टैक्स आयुक्त पी.के भट्ट होरें सोमवारें एक्साइज ते टैक्सेजन कम्प्लेक्स च नमें सिरेआ तैयार कांफ्रेंस हाल दा उद्घाटन कीता। इसी आधुनिक सुविधाएं कन्नै लैस कीता गेआ ऐ। प्रशासनिक ते एन्फोर्समेंट मैहकमे दी अतिरिक्त आयुक्त Namrita Dogra, Deputy Commissioner Headquarters Ashima Sher ते होर दुए अफसर बी इस मौके पर उत्थे मौजूद हे। उद्घाटन मगरा पी.के भट्ट होरें उत्थे मौजूद अफसरें गी संबोधित करदे कीता ते आधुनिक ढांचे राएं कारकरदगी बढाने ते आपसी सहयोग पर जोर पाया।

<><><><><><>

PTC-Announcement

आकाशवाणी जम्मू दे क्षेत्रीय समाचार एकांश आसेआ जम्मू जिले लेई अंशकालिक संवाददाता यानि PTC लेई दरखास्तां मंगियां गेइयां ना। इच्छुक आवेदक जेहदी उमर 24 थमां 50 बरें दे बश्कार ऐ ते ओह जम्मू जिले दा रौहने आहला ऐ, एदे लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रेजुएशन ते पत्रकारिता च 2 बरें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंध्यत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू च 31 अगस्त 2025 संजा 6 बजे कोला पैहले- पैहले आइए दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

Rana Relief Review

जल शक्ति मंत्री जावेद अहमद राणा होरें अज्ज इक बैठक सदियै पुंछ जिले च हाल च होई दी भारी बरखें ते ल्हास-पस्सियां पौने करी प्रभावित इलाकें च जारी बचाऽ कम्में दी समीक्षा कीती। इस दरान मंत्री होरें गी ल्हास-पस्सियां ते कुप्पड़ पौने दे खतरे आहले इलाकें च रिहायशी ढांचे ते शिड़क राबतें गी होए दे नुकसान बारै दस्सेआ दसाया गेआ। इक व्यापक समीक्षा मगरा मंत्री होरें राजस्व ते होरनें मुतल्लका मैहकमें गी हिदायतां दित्तियां जे

ओह नुकसान दा पूरा-पूरा आंकलन फौरी तौरा पर शुरू करोआन जिंदे च मुख करी ध्यान जान-माल दे नुकसान ते फसलें गी पुजे दे नुकसान पर दित्ता जा। एहदे अलावा मंत्री होरें राहत ते मुआवजे दी स्थूलत देने लेई आंकलन गी सटीक तरीके राहें ते फौरन पूरा करने दी लोड़ पर जोर दित्ता।

<><><><><><>

Khelo India

औंदी 21 थमां 23 अगस्त तोहड़ी श्रीनगर दी मशहूर डल झील च आयोजित कीते जाने आले खेलो इंडिया वाटर स्पोर्ट्स फेस्टिवल -2025 दी मेजबानी लेई जम्मू-कश्मीर पूरी चाल्ली तैयार ऐ। इस उत्सव दा मकसद जम्मू-कश्मीर दी सगोसार संस्कृति, दस्तकारियें ते सैलसफा समर्थ दा प्रदर्शन करना ऐ ते एहदे च तकरीबन 800 खडारी, कायाकिंग, कैनोइंग, रोइंग ते इस चाल्ली दे होरनें मुकाबलें च अपना दम-खम दस्सडन। सरबंधत अधिकारियें गी निर्देश दिते गे न जे ओहू सब्भै लोड़चदी स्थूलतां ते सुरक्षा वबस्था जकीकी बनान। इस उत्सव दा उदघाटनी समारोह बड़ा शानदार होग ते एहदे च ड्रोन-शो, लोक नाच ते मकामी दस्तकारियें दा प्रदर्शन कीता जाहग। जम्मू-कश्मीर खेडु काउंसल ते युवा मामलें सरबंधी मंत्रालय आसेया आयोजित एह उत्सव- जम्मू-कश्मीर दे कुदरती छलैपे ते खेडु सरबंधी जज्वें गी उजागर करोग।

<><><><><><>

School Closed

खराब मौसम आहले हालात दे चलदे स्कूली शिक्षा निदेशालय नै अज्ज जम्मू खिते दे सारे निजी ते सरकारी स्कूल बंद रक्खने दा हुकम जारी कीता ऐ। एह गें विद्यार्थियें दी सुरक्षा गी यकीनी बनाने लेई पुट्टी गई ऐ। मौसम विभाग नै 19 अगस्त तगर मौसम खराब रौहने दी पेशगोई कीती दी ऐ, जेदे मद्देनजर एह फैसला कीता गया।

<><><><><><>

Weather

मौसम विभाग नै कल यानि 19 अगस्त तोड़ी जम्मू-कश्मीर दे बक्ख-बक्ख हिस्सें च भारी बरखें दा अलर्ट जारी करदे होई इस दरान बद्दल फटने, चानचक्क हाड़ औने, ल्हास-पस्सियां पौने ते प्हाड़ें परा पत्थर डिग्गने दे खतरें बारै बी खबरदार कीता ऐ। आकाशवाणी दे जम्मू संवाददाता दी रिपोर्ट मूजब, जम्मू खित्ते दियें केई थाहें जि'आं जम्मू, रियासी, उधमपुर, राजौरी, पुंछ, साम्बा ते कठुआ सनें होरनें थाहरें पर भारी बरखा पौने दी पेशगोई कीती गेई ऐ जिसलै के डोडा, किश्तवाड़, रामबन ते कश्मीर घाटी दे केइयें हिस्सें च तेज हवा चलने ते दरम्याने दर्जे दी बरखा थमां भारी बरखा पौने दी संभावना ऐ। लोकें गी दरेयाएं-नालें थमां शिंडे रौहने दी सलाह दिती गेई ऐ। सैलानिएं ते यात्रुएं गी बी आखेआ गेआ ऐ जे ओहू बड़ा सोची-बचारियै गै अपनी यात्रा दी योजना बनान। तोआई, जम्मू-श्रीनगर राश्ट्री जरनैली शिड़क जेड़ी थाहरें-थाहरें भारी बरखा, कुप्पड़ पौने ते गार औने करी शिड़क बंद होई गेदी ही हून खोली दिती गेई ऐ। गड्डी दी आवाजाई हून दौनें भेठा दा चला'रदी ऐ।

<><><><><><>

Rains-Poonch

पिछले 24एं घंटें दरान होई दी भारी बरखें कारण पुंछ जिले दे कई इलाकें च हाड़ आई गेआ ऐ जेदे चलदे आपदा थमां निब्बड़ने आस्तै एहतियातन उपाय शुरू करी दित्ते गे न ते हेठले इलाकें ते रवा'रदे लोकें गी सुरक्षित थाहरें पर पजाया जा'रदा ऐ। पुंछ दे डिप्टी कश्मिनर अशोक कुमार शर्मा, एसएसपी पुंछ शफकत हुसैन ते होरनें आला अधिकारियें हाड़ कन्नै प्रभावित इलाकें दा दौरा लाया ते होए दे नुकसान दे अलावा राहत ते बचाऽ आहले कम्में दा बी जायजा लैता। इस दरान मीडिया आहलें कन्नै गल्ल करदे होइ, पुंछ दे डिप्टी कमिशनर होरें तस्दीक कीती ते हूनै तगर 7एं परोआरें गी सुरक्षित थाहरें पर पजाया गेआ ऐ। उनें गलाया।

<><><><><><>